

Broj: 10-32-1106-1/25

Sarajevo, 29.05.2025. godine

Na osnovu člana 56. Zakona o organizaciji organa uprave u Federaciji Bosne i Hercegovine ("Službene novine Federacije BiH", broj: 35/05), člana 3. Zakona o raseljenim licima i povratnicima u Federaciji Bosne i Hercegovine i izbjeglicama iz Bosne i Hercegovine („Službene novine Federacije Bosne i Hercegovine“, broj: 15/05) i Strategije razvoja Federacije Bosne i Hercegovine 2021 - 2027. („Službene novine Federacije Bosne i Hercegovine“, broj: 40/22), a u cilju sufinansiranja realizacije projekata u bosanskohercegovačkom iseljeništvu, Federalno ministarstvo raseljenih osoba i izbjeglica raspisuje:

JAVNI POZIV

**za sufinansiranje projekata nevladinih organizacija, javnih visokoškolskih ustanova,
javnih instituta i memorijalnih centara iz Bosne i Hercegovine u
bosanskohercegovačkom iseljeništvu**

1. Predmet Javnog poziva

Predmet Javnog poziva je podrška projektima nevladinih organizacija, javnih visokoškolskih ustanova, javnih instituta i memorijalnih centara iz Bosne i Hercegovine koji se realizuju u bosanskohercegovačkom iseljeništvu.

2. Cilj Javnog poziva

Cilj Javnog poziva je podrška projektima u zajednicama bosanskohercegovačkog iseljništva u oblasti kulture, zaštite i promocije bosanskohercegovačke tradicije i povezivanja iseljništva sa maticom u općem smislu.

3. Pravo učešća

Pravo učešća u Javnom pozivu imaju pravna lica – organizacije - koja projekte realizuju u bosanskohercegovačkom iseljeništvu, i to:

- a) udruženja i fondacije sa sjedištem na području Bosne i Hercegovine;
- b) javne visokoškolske ustanove i javni instituti čiji su osnivači organi vlasti na svim nivoima vlasti u Bosni i Hercegovini a koji se bave pitanjima iseljništva i saradnjom sa iseljeništvom; i
- c) memorijalni centri sa sjedištem na području Bosne i Hercegovine.

4. Finansijska sredstva

Planirana sredstva za sufinansiranje projekata u skladu s ovim Javnim pozivom iznose do 440.000,00 KM (slovima: četrinstotinečetrestiljada KM).

Sredstva za realizaciju Javnog poziva za sufinansiranje projekata u skladu s ovim Javnim pozivom iznose 440.000,00 KM (slovima: četrinstotinečetrestiljada KM).

Maksimalan iznos sufinansiranja jednog predloženog projekta, po jednom korisniku, iznosi do 75.000,00 KM (slovima: sedamdesetipethyljada KM).

Napomena:

- Aplikant se može prijaviti samo s jednim projektom po ovom Javnim pozivu.

5. Opći kriteriji za dodjelu finansijskih sredstava:

Prijava na Javni na poziv obavezno treba da sadrži slijedeću dokumentaciju:

- 5.1. Čitko popunjen, potpisan i ovjeren Prijavni obrazac koji je dostupan na internet stranici Ministarstva www.fmroi.gov.ba ili se može preuzeti lično u prostorijama Ministarstva na adresi Hamdije Čemerlića broj 2., Sarajevo;
- 5.2. Izvod iz upisa u registar nadležnog ministarstva pravde, fondacije ili osnivački akt za memorijalne centre, javne visokoškolske ustanove i javne institute, ne stariji od (6) šest mjeseci od dana objave javnog poziva, original ili ovjerena kopija;
- 5.3. Uvjerjenje o poreskoj registraciji (ID/JIB broj), original ili ovjerena kopija;
- 5.4. Potvrda banke u kojoj je navedeno da račun nije blokiran, iz koje se vidi broj transakcijskog računa i ID broj korisnika, ne starija od (3) tri mjeseca od dana objave javnog poziva;
- 5.5. Detaljan projekat koji se planira realizovati u iseljeništvu sa opisom projekta, aktivnostima, ciljevima, trajanjem projekta, ciljnom grupom, mjestom realizacije, očekivanim rezultatima i finansijskim planom – potpisan i ovjeren pečatom od strane aplikanta (pojedinačni troškovi te očekivani prihodi i rashodi);
- 5.6. Uvjerjenje o izmirenim poreskim obavezama izdato od strane nadležne poreske uprave, ne starije od (2) dva mjeseca od dana objave javnog poziva;
- 5.7. Finansijski izvještaj o radu za 2024. godinu (bilans stanja, bilans uspjeha) ovjeren od strana nadležnog organa (FIA, AFIP), original ili ovjerena kopija;
- 5.8. Izjava da se protiv podnosioca prijave, odnosno lica ovlaštenih za zastupanje i voditelja aktivnosti programa/projekata ne vodi krivični postupak i nije pravosnažno osuđen za prekršaj i/ili počinjenje krivičnog djela i/ili privredni prijestup – ovjerena kod nadležne općinske službe (dostavlja se original).

Napomena:

- Prijave aplikanta moraju biti uredno elektronski popunjene uz dokumentaciju poredanu i numerisanu isključivo redoslijedom navedenim u ovom Javnim pozivu.
- Svi dokumenti se dostavljaju uz prijavu u originalu ili ovjerenoj kopiji od strane nadležnog organa ne starijoj od 30 dana.
- Prijavni obrazac mora biti potpisan i ovjeren pečatom aplikanta.

6. Posebni kriteriji za dodjelu finansijskih sredstava:

- 6.1. Realizovani projekti u oblasti saradnje sa iseljeništvom i afirmacije kulture sjećanja u iseljeništvu u proteklih pet godina (dokazuje se izjavom o realizovanim projektima, potpisanom i ovjerenom pečatom aplikanta te popratnim narativnim izvještajem);
- 6.2. Potvrđena partnerstva sa subjektima u iseljeništvu u realizaciji projekta (dokazuje se pisanim izjašnjenjem partnera);
- 6.3. Preporuka za projekat izdata od strane lokalne zajednice (općine/grada);
- 6.4. Kvalitet projekta i njegov efektivni uticaj na saradnju i jačanje veza sa bosanskohercegovačkim iseljeništvom po ocjeni Komisije za izbor korisnika;
- 6.5. Izjava o očekivanim rezultatima, potpisana i ovjerena pečatom aplikanta;
- 6.6. Inovativnost u projektima koja se odnosi na stepen originalnosti, kreativnosti i unapređenja koje projekt donosi u određenom području, te efekat očekivanih rezultata koji se odnose na utjecaj koji projekt treba imati nakon svoje provedbe, po ocjeni Komisije za izbor korisnika.

Napomena

- Projektni sadržaji koji su slični ili istovjetni projektnim sadržajima za koje su aplikantima ranije dodijeljena sredstva, imat će umanjeno bodovanje.

7. Način izbora korisnika

Otvaranje prijave, analizu projektnih prijedloga i rangiranje aplikanata po osnovu Javnog poziva će vršiti posebna komisija koju će imenovati federalni ministar raseljenih osoba i izbjeglica.

Komisija će razmatrati prijave u skladu sa "Procedurama za izbor potencijalnih korisnika za sufinansiranje projekata nevladinih organizacija, javnih visokoškolskih ustanova, javnih instituta i memorijalnih centara iz Bosne i Hercegovine u bosanskohercegovačkom iseljeništvu" donesenim od strane federalnog ministra raseljenih osoba i izbjeglica, te u skladu sa odredbama ovog Javnog poziva.

Komisija zadržava pravo provjere tačnosti podataka iz aplikacija na Javni poziv, te će, u slučaju da utvrdi da podaci nisu tačni, predmetnu aplikaciju odbaciti kao neurednu.

Korisnici Javnog poziva za sufinansiranje projekata nevladinih organizacija i memorijalnih centara iz Bosne i Hercegovine u bosanskohercegovačkom iseljeništvu iz 2024. godine mogu aplicirati i na ovaj Javni poziv s tim da, ukoliko budu izabrani za korisnike, sa njima neće biti potpisan ugovor do podnošenja potpunog izvještaja o realizaciji projekta sa prošlog Javnog poziva.

8. Objavljivanje rang listi korisnika

Preliminarna i konačna rang lista po ovom Javnom pozivu će biti objavljena na internet stranici Federalnog ministarstva raseljenih osoba i izbjeglica www.fmroi.gov.ba.

9. Dostavljanje prijava na javni poziv

Elektronski popunjen Prijavni obrazac i traženu dokumentaciju poslati preporučenom poštom na adresu:

**Federalno ministarstvo raseljenih osoba i izbjeglica
Hamdije Čemerlića 2
71000 Sarajevo**

sa naznakom: *Prijava na „Javni poziv za prijave sufinansiranje projekata nevladinih organizacija, javnih visokoškolskih ustanova, javnih instituta i memorijalnih centara iz Bosne i Hercegovine u bosanskohercegovačkom iseljeništvu“ – Služba 10*

(Na poleđini koverta obavezno navesti naziv podnosioca prijave, tačnu adresu i broj telefona)

Rok za dostavljanje prijava je **9. juni 2025.** godine.
Nepotpune i neblagovremene prijave neće se uzimati u razmatranje.

Dodatne informacije mogu se dobiti upitima i dopisima poslanim na adresu elektronske pošte: iseljenistvo@fmroi.gov.ba, ili na sastancima uživo u prostorijama Ministarstva, uz prethodnu najavu putem iste e-mail adrese, najkasnije do 09.06.2025, ili putem kontakt telefona: 033/294-162, 033/294-181 i 033/294-182.

MINISTAR

Nerin Dizdar